

天一閣藏明代方志選刊

偃師縣志

一九六二年四月上海古籍
書店據寧波天一閣藏明弘
治鈔本景印原書版框高二
〇·九公分寬一四·八公分

弘治偃師縣志

邑誌序

青館藏

范氏

縣必有誌所以記事跡也古者列國皆有史以誌其
晉之乘楚之檮杌魯之春秋是已今之縣誌即檮杌
所以記一邑之建制沿革山川土田人物風俗以至今
章題詠有足以閔民風而裨治道者皆宜錄之以俟
秉國史之大筆者採焉誠為治之先務也偃師古帝嚳
之墟在禹貢職方寔豫州之域峙流形勝天造地設人
產育迥出特拔亦中州之甲邑也然事跡散出顯隱無
窮不託諸載籍何以傳之悠久使文獻之足徵乎邑舊
有誌歲月寢久不無殘缺予自丙辰歲來宰是邑退

公之餘目檢之且散亂無統後來者亦未登載於是謀諸寮案及通博宦儒而討論之相與補遺正謬未登者登之未載者載之免成全書釐為四卷指倖鉅梓以求其傳千載而下庶文獻有足徵也於乎偃師河南名邑也山川之最名者如緹印伊洛之類其靈秀之鍾於人者尤為特異如唐之畢構宋之朱公揆元之陳吉甫數君子輩其文章行誼高出人表迄今有足稱者逮我

聖朝重熙累洽百餘年來仁熏義灼而人才之盛光前振後又將有超於前輩出焉昔人云地靈人傑斯之謂歟或謂誌僅足以記事跡無益於治也予獨不然昔李吉甫

作元和郡誌謂為政執此可以治天下則誌之所係亦重矣夫古人且重夫誌而况今人乎執誌可以治天下况郡邑乎斯誌之修固欲知古人之所重則夫為政之道亦未必無小補也雖然事跡無涯聰明有限其有不及見聞而收錄未盡者尚俟方來之君子續之

弘治拾柒年夏肆月吉日知偃師邵陽魏津序

偃師縣誌目錄

卷之一

沿革

分野

疆域

郡名

山川

土產

貢賦

田賦

農桑

戶口

學校

壇壝

刑勝

風俗

城池

邊維

公署

屬司

行署

傳郵

坊街

橋津

寺觀

祠廟

古蹟

陵墓

卷之二

宦蹟

人物

薦舉

科第

貢舉

寓賢

武職

義行

孝子

烈女

節婦

逸隱

仙釋

誥勅

卷之三

碑

碣

銘

記

卷之四

祭文

詩

頌

歌

辭

謠

引

曲

行

雜誌

偃師縣誌目錄終

偃師縣誌之一

偃師縣知縣邵陽魏津新脩

建置沿革

偃師縣古西亳國帝嚳所都禹貢周禮職方豫

州之域成湯復遷於此名曰亳都周武王既伐紂息兵於此名曰偃師春秋為東周地戰國屬韓秦屬三川郡漢屬河南郡三國屬魏西晉省偃師入緱氏屬河南郡北魏廢緱氏復置偃師隋仍置緱氏唐屬東都五代漢屬西京宋慶曆三年省緱氏入偃師四年復置緱氏熙寧五年省偃師入緱氏八年省緱氏置偃師金屬金昌府元屬河南府

國朝洪武元年天兵下河南縣尹賈孟淵率衆歸附仍隸河南府

分野

文獻通考云其在天官柳七星張則周之分野
為偃師屬焉

封域

偃境在府東七十里東連鞏縣西接洛陽南距轅
轅北峙却山廣七十里袤七十里

郡名

考之傳記帝學所都亦古亳邑商有三亳曹州考
城縣為北南京穀熟縣為南亳成湯居西亳此
即一也後盤庚遷殷偃師正其地也故郡名謂之西

亳

見文獻
通考

形勝

按是邑在湯殷之時為西亳之地周武王之時為息
兵之所有輳輳以峙南有孟水以阻其北東則通成
阜之險西則連函谷之固伊洛環於前却山峙其後
斯形勝之區也

風俗

縣之俗三代之時惟尚淳朴自是厥後時異勢殊或
尚奢侈或專勢利變易靡常迨我

國朝治化隆盛習俗淳厚故為士大夫者事詩書為農商者
重耕貨三代之美復見於

今日矣

城池

城圍六里八十四步高八尺餘昔周武王息師所築之城有東西南北四門週遭浚濠歲久湮沒成化十九年知縣李厚重脩城池城樓四門俱以鐵棗東曰朝陽南曰伊洛西曰接洛北曰叩山

邊維

東抵鞏縣界黑石渡三十五里
西抵洛陽界金鑪城三十五里
南抵登封界轅轅關伍十五里

北抵孟津界馬叩頭二十五里

東南到

南京應天府陸路一千七百三十八里

東北到

北京順天府陸路一千七百四十里

東到鞏縣六十里路通開封府祥符縣

西到洛陽縣七十里路通陝州靈寶縣

南到汝州一百八十里路通南陽府南內縣

北到孟津縣三十五里路通懷慶府河內縣

東南到登封縣九十里路通鈞州密縣

東北到溫縣八十里路通衛輝府汲縣

西南到宜陽一百四十里路通河南府嵩縣

西北到孟縣五十五里路通澤州高平縣

山川

山

浮山在縣南緱氏保

北邙山在縣北二里其山起西跨洛陽東跨鞏縣東

西綿亘八十餘里雖有嶮峙之勢而無峭峻之

險其歷代陵寢將相塚墓多葬於此

景山在縣南二十五里殷湯徙居西亳德被生靈

因景慕之及其沒也民思其德作詩頌之固
難為言遂托景山之高大而動尊崇之心觀
河水之深廣而起朝宗之廟即山水之所在猶陽
德之所存詩曰景負維河殷受命咸宜百福
是荷者以此

緱氏山在縣南四十里昔周靈王太子子晉昇仙之所及
昔王母修道之故山也

牛心山在縣西南六十里其山巍然翠嶽高插層霄
盤乎平塘之中出乎衆山之表形若牛心故各

白雲山在縣南三十里其山白雲時出或凝聚為雨或

捲舒不散鄉人視之以爲降雨之兆

羊蹄山在縣西北二十里却山之上石山也其山週迴皆羊蹄之跡因名之

馬鞍山在縣南六十里與嵩山少室相接東西長十里前高後底若馬鞍然因名之

鳳臺山在縣東二十里謗云昔有鳳凰集於其上後遂築臺以名其山

百塔 在縣南五十里與嵩山少室相接

首陽山在縣西北二十五里其勢旋繞日之方升光必先及故名

峯

香爐峯在縣東南六里其峯峭拔上摩雲漢
蒼翠可愛週迴五百餘步狀類香爐因名之

峪

佛光峪在縣東南五十里其峪古有佛光寺在
故名其峪

嶺

鄒嶺在縣東南五十五里與嵩山相接踰嶺而帶登封

蛾眉嶺在縣西南二十里其嶺盤旋委曲形若蛾